

四庫全書

集部

欽定四庫全書

集部

御定全唐詩卷四百七十四至
六

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣高 中

謄錄監生臣徐秉敬

欽定四庫全書

御定全唐詩卷四百七十四

徐凝

徐凝睦州人元和中官至侍郎詩一卷

送馬尚入蜀

遊子出咸京巴山萬里程白雲連鳥道青壁遶猿聲
雨雪經泥坂煙花望錦城
士文人共許應紀蜀中行

送李補闕歸朝

四馬歸咸秦

一作城關

雙鳧出

一作去

海門還從清切禁再沐

聖明恩禮樂中朝貴

一作盛

文章大雅存江湖多放

一作旅

逸獻替欲誰論

送日本使還

絕國將無外扶桑更有東來朝逢聖日歸去及秋風夜
泛潮迴際晨征蒼莽中鯨波騰水府蜃氣壯仙宮天眷
何期遠王文久已同相望杳不見離恨托飛鴻

題開元寺牡丹

此花南地知難種
慚愧僧閒用意栽
海燕解憐頻睥睨
胡蜂未識更徘徊
虛生芍藥徒勞妒
羞殺玫瑰不敢開
惟有數苞紅萼在
含芳只待舍人來

香爐峰

香爐一峰絕頂在
寺門前盡是玲瓏石
時生且暮煙

白銅鞮

腰裏錦障泥
樓頭日又西
留歡住不住
素齒白銅鞮

楊叛兒

哀怨楊叛兒
駘蕩郎知否
香死博山爐
煙生白門柳

春寒

亂雪從教舞
回風任聽吹
春寒能作底
已被柳條欺

廬山獨夜

寒空五老雪
斜月九江雲
鐘聲知何處
蒼蒼樹裏聞

天台獨夜

銀地秋月色
石梁夜溪聲
誰知屐齒盡
為破煙一作苔

行

送寒巖歸士

不挂絲纊衣歸向寒巖棲寒巖風雪夜又過巖前溪

送陳司馬

家寄茅洞中身遊越城下寧知許長史不憶陳司馬

武夷山仙城

武夷無上路毛徑不通風欲共麻姑住仙城半在空

避暑二首

一株金染密數畝碧鮮疎避暑臨溪坐何妨直釣魚

斑多筒簟冷髮少角冠清避暑長林下寒蟬又有聲

浙西李尚書奏毀淫昏廟

傳聞廢淫祀萬里靜山陂欲慰靈均恨先燒靳尚祠

酬相公再遊雲門寺

遠羨五雲路逶迤千騎回遺簪唯一去貴賞不重來

杭州祝濤頭二首

不道沙堤盡猶欺石棧頑寄言飛白雪休去打青山

倒打錢塘郭長驅白浪花吞吳休得也輸却五千家

問漁叟

生事同漂梗機心在野船如何臨逝水白髮未忘筌

雲封菴

登巖背山河立石秋風裏隱見浙江濤一尺東溝水

漢宮曲

水色簾前流玉霜趙家飛燕侍昭陽掌中舞罷簫聲絕
三十六宮秋夜長

和嵩陽客月夜憶上清人

獨夜嵩陽憶上仙
月明三十六峰前
瑤池月勝嵩陽月
人在玉清眠不眠

八月望夕雨

今年八月十五夜
寒雨蕭蕭不可聞
如練如霜在何處
吳山越水萬重雲

觀浙江濤

一作
看潮

浙江悠悠海西綠

一作
曲

驚濤日夜

一作
日

波濤

兩翻覆錢塘

郭裏看潮人直至

一作
到

白頭看不足

廬山瀑布

虛空落泉

一作瀑布
布瀑布

千仞

一作丈

直雷奔入江

一作海

不暫息

今古長如白練飛一條界

一作解

破青山色

嘉興寒食

嘉興郭裏逢寒食
落日家家拜掃回
唯有縣前蘇小小
無人送與紙錢來

憶揚州

蕭娘臉下難勝淚
桃葉替頭

一作尖

易得愁天下三分明

月夜二分無賴是揚州

八月燈夕寄游越施秀才

四天淨色寒如水八月清輝冷似霜
想得越人今夜見盃家珠在鏡中央

八月十五夜

皎皎秋空八月圓常娥端正桂枝鮮
一年無似如今夜十二峰前看不眠

題伍員廟

千載空祠雲海頭
夫差亡國已千秋
浙波只有靈濤在
拜奠青山人不休

員嶠先生

員嶠先生無白髮
海煙深處採青芝
逢人借問陶唐主
欲進冰蠶五色絲

莫愁曲

玳瑁牀頭刺戰袍
碧紗窗外葉騷騷
若為教作遼西夢

月冷如丁

一作針

風似刀

寄白司馬

三條九陌花時節
萬戶千車看牡丹
爭遣江州白司馬
五年風景憶長安

相思林

遊客遠遊新過嶺
每逢芳樹問芳名
長林遍是相思樹
爭遣愁人獨自行

寄海嶠丈人

萬丈只愁滄海淺
一身誰測歲華遙
自言來此雲邊住

曾看秦王樹石橋

寄潘先生

至人知姓不知名
聞道黃金骨節輕
世上仙方無覓處
欲來西岳事先生

宮中曲二首

披香侍宴插山花
厭著龍綃著越紗
恃賴傾城人不及
檀妝唯約數條霞

身輕入寵盡恩私
腰細偏能舞柘枝
一日新妝拋舊樣

六宮爭畫黑煙蒼

七夕

一道鵲橋橫渺渺千聲玉佩過
玲玲別離還有經年客
悵望不如河鼓星

八月九月望夕雨

八月繁雲連九月兩回三五晦
漫漫一年悵望秋將盡
不得常娥正面看

喜雪

長愛謝家能詠雪
今朝見雪亦狂歌
楊花道即偷人句
不那楊花似雪何

春飲

烏家若下蟻還浮
白玉尊前倒即休
不是春來偏愛酒
應須得酒遣春愁

二月望日

長短一年相似夜
中秋未必勝中春
不寒不暖看明月
況是從來少睡人

讀遠書

兩轉三回讀遠書
畫簷愁見燕歸初
百花時節教人懶
雲髻朝來不欲梳

古樹

古樹歌斜臨古道
枝不生花腹生草
行人不見樹少時
樹見行人幾番老

獨住僧

百補袈裟一比丘
數莖長睫覆青眸
多應獨住山林慣

唯照寒泉自剃頭

傷畫松道芬上人

因畫釣臺
江山而逝

百法驅馳百年壽
五勞消瘦五株松
昨來聞道嚴陵死
畫到青山第幾重

觀釣臺畫圖

一水寂寥青靄合
兩崖崔嵬白雲殘
畫人心到啼猿破
欲作三聲出樹難

荆巫夢思

楚水白波風嫋嫋
荆門暮色雨蕭蕭
相思合眼夢何處
十二峰高巴字遙

浙東故孟尚書種柳

孟家種柳東城去
臨水逶迤思故人
不似當時大司馬
重來得見漢南春

長洲覽古

吳王上國長洲奢
翠黛寒江一道斜
傷見摧殘舊宮樹
美人曾插九枝花

却歸舊山望月有寄

年年明月總相似大抵人情自不同
今夜故山依舊見班家扇樣碧峰東

再歸松溪舊居宿西林

五粒松深溪水清衆山搖落月偏明
西林靜夜重來宿暗記人家犬吠聲

翫花五首

一樹梨花春向暮雪枝殘處怨風來
明朝漸校無多去

看到黃昏不欲回

麴塵溪上素紅枝影在溪流半落時
時人自惜花腸斷
春風却是等閒吹

朱霞燄燄山枝動
綠野聲聲杜宇來
誰為蜀王身作鳥
自啼還自有花開

誰家躑躅青林裏
半見殷花燄燄枝
憶得倡樓人送客
深紅衫子影門時

花到薔薇明豔絕
燕支顛破麥風秋
一番弄色一番退

小婦輕妝大婦愁

長慶春

山頭水色薄籠煙
久客新愁長慶年
身上五勞仍病酒
天桃窗下背花眠

山鷓鴣詞

南越嶺頭山鷓鴣
傳是當時守貞女
化為飛鳥怨何人
猶有啼聲帶蠻語

鄭女出參丈人詞

鳳釵翠翹雙宛轉出見丈人梳洗晚掣曳羅綃跪拜時
柳條無力花枝軟

春雨

花時悶見聯綿雨雲入人家水毀堤昨日春風源上路
可憐紅錦枉拋泥

和白使君木蘭花

枝枝轉勢雕弓動片片搖光玉劍斜見說木蘭征戍女
不知那作酒邊花

正月十五夜呈幕中諸公

宵遊二萬七千人獨坐重城圍一身步月遊山俱不得
可憐辜負白頭春

樂府新詩

一聲盧女十三弦早嫁城西好少年不羨越溪歌者苦
采蓮歸去綠窗眠

春陪相公看花宴會二首

丞相邀歡事事同玉簫金管咽東風百分春酒莫辭醉

明日的無今日紅

木蘭花謝可憐條
遠道音書轉寂寥
春去一年春又盡
幾回空上望江橋

牡丹

何人不愛牡丹花
占斷城中好物華
疑是洛川神女作
千嬌萬態破朝霞

過馬當

風波隱隱石蒼蒼
送客靈鴉拂去檣
三月盡頭雲葉秀

小姑新著好衣裳

金谷覽古

金谷園中數尺土，問人知是綠珠臺。
綠珠歌舞天下絕，唯與石家生禍胎。

上陽紅葉

洛下三分紅葉秋，二分翻作上陽愁。
千聲萬片御溝上，一片出宮何處流。

洛城秋砧

三川水上秋砧發五鳳樓前明月新誰為秋砧明月夜
洛陽城裏更愁人

和川守侍郎緄山題仙廟

王子緄山石殿明白家詩句詠吹笙安知散席人間曲
不是寥天鶴上聲

和夜題玉泉寺

歲歲雲山玉泉寺年年車馬洛陽塵風清月冷水邊宿
詩好官高能幾人

和秋遊洛陽

洛陽自古多才子
唯愛春風爛漫游
今到白家詩句出
無人不詠洛陽秋

和嘲春風

源上拂桃燒水發
江邊吹杏暗園開
可憐半死龍門樹
懊惱春風作底來

侍郎宅泛池

蓮子花邊回竹岸
鷄頭葉上盪蘭舟
誰知洛北朱門裏

便到江南綠水遊

和侍郎邀宿不至

蟾蜍有色門應鎖
街鼓無聲夜自深
料得白家詩思苦
一篇詩了一彈琴

自鄂渚至河南將歸江外留辭侍郎

一生所遇唯元白
天下無人重布衣
欲別朱門淚先盡
白頭遊子白身歸

蠻入西川後

守隘一夫何處在長橋萬里只堪傷紛紛塞外烏蠻賊
驅盡江頭濯錦娘

憶紫溪

長憶紫溪春欲盡千巖交映水回斜巖空水滿溪自紫
水態更籠南燭花

誇紅槿

誰道槿花生感促可憐相計半年紅何如桃李無多少
併打千枝一夜風

題縉雲山鼎池二首

黃帝旌旗去不回空餘片石碧
崔嵬有時風卷鼎湖浪
散作晴天雨點來

天地茫茫成古今仙都凡有幾人尋
到來唯見山高下
只是不知湖淺深

宿冽上人房

浮生不定若蓬飄林下真僧偶見招
覺後始知身是夢
更聞寒雨滴芭蕉

汴河覽古

煬帝龍舟向此行三千宮女采橈輕渡河不似如今唱
為是楊家怨思聲

東白丈人

昔時丈人鬚髮白千年松下鋤茯苓今來見此松樹死
丈人斬新鬚髮青

覽鏡詞

寶鏡磨來寒水清青衣把就綠窗明潘郎懊惱新秋髮

拔却一莖生兩莖

寄玄陽先生

不能相見見人傳
巖岸山中岱岬邊
顏貌只如三二十
道年三百亦藏年

白人

暖風入煙花漠漠
白人梳洗尋常薄
泥郎為插瓏璫釵
爭教一朵牙雲落

奉酬元相公上元

出擁樓船千萬人，
入為台輔九霄身。
如何更羨看燈夜，
曾見宮花拂面春。

奉和鸚鵡

毛羽曾經翦處殘，
學人言語道暄寒。
任饒長被金籠闔，
也免栖飛雨雪難。

將至妙喜寺

清風嫋嫋越水陂，
遠樹蒼蒼妙喜寺。
自有車輪與馬蹄，
未曾到此波心地。

紅蕉

紅蕉曾到嶺南看
校小芭蕉幾一般
差是斜刀翦紅絹
卷末開去葉中安

見少室

適我一簞孤客性
問人三十六峰名
青雲無忌白雲在
便可嵩陽老此生

語兒見新月

幾處天邊見新月
經過草市憶西施
娟娟水宿初三夜

曾伴愁蛾到語兒

回施先輩見寄新詩二首

九幽仙子西山卷讀了
條繩繫又閉此卷玉清宮裏少
曾尋真誥讀詩來

紫河車裏丹成也
卓英枝頭早晚飛
料得仙宮列仙籍
如君進士出身稀

送沈亞之赴郢掾

千萬乘驄沈司戶
不須惆悵郢中遊
幾年白雪無人唱

今日唯君上雪樓

答白公

高景爭來草木頭
一生心事酒前休
山公自是仙
一作山

人侶攜手醉登城上樓

句

青山舊路在白首醉還鄉
別白公 試到第三橋便入千

頃花

以上並見紀事

亂後見淮水歸心忽迢遙
京都還汴口作 乍

疑鯨噴浪忽似鷁凌風
呀呷汀洲動喧闐里巷空
競渡見詩

式

欽定四庫全書

御定全唐詩

十九

御定全唐詩卷四百七十四

欽定四庫全書

御定全唐詩卷四百七十五

李德裕

李德裕字文饒趙郡人宰相吉甫子也以蔭補校書郎
拜監察御史穆宗即位擢翰林學士再進中書舍人未
幾授御史中丞牛僧孺李宗閔追怨吉甫出德裕為浙
江觀察使太和三年召拜兵部侍郎宗閔秉政復出為
鄭滑節度使踰年徙劔南西川以兵部尚書召俄拜中

書門下平章事封賢皇縣伯宗閔罷代為中書侍郎集
賢殿大學士鄭注李訓怨之乃召宗閔拜德裕為興元
節度使入見帝自陳願留闕下復拜兵部尚書為王璠
李漢所譖貶太子賓客分司東都再貶袁州刺史未幾
徙滁州開成初起為浙西觀察使遷淮南節度使武宗
立召為門下侍郎同中書門下平章事拜太尉封衛國
公當國凡六年威名獨重於時宣宗即位罷為荆南節
度使白敏中令狐絢使黨人搆之貶崖州司戶叅軍卒

德裕少力學善為文雖在大位手不去書會昌一品集
二十卷別集十卷外集四卷今編詩一卷

奉和聖製南郊禮畢詩

磬筦歌大呂冕裘旅天神燒蕭闕閭闔祈穀為蒸人羽
旗灑輕雪麥隴含陽春昌運歲一作感今會王猷從此新

三臣皆就日萬國望如雲仁壽信非遠羣生方在鈞

郊壇回輿中書二相公蒙聖慈召至御馬前仰

感恩遇輒書是詩兼呈二相公

七萃和鑿動三條葆吹回相星環

一作還

日道蒼

一作馬

近龍媒

古詞歌
臣馬蒼

咫尺天顏接光華喜氣來自慙哀且病

無以效涓埃

寒食日三殿侍宴奉進詩一首

宛轉龍歌節參差燕羽高風光搖禁柳霽色暖宮桃春

露明仙掌晨霞照御

一作日
一作錦

袍雪凝陳組練林植聳干

旄廣樂初踰鳳神山欲抃鼉鳴茄朱鷺起疊鼓紫驂

一作

韶

豪象舞嚴金鎧豐歌耀寶刀不勞孫子法自得太公

韜

已上四句奉述
內樂破陣樂

分席羅玄冕行觴舉綠醪
穀中時落

羽幢未乍升
孫瑞景開陰翳薰
風散鬱陶天顏歡益醉

臣節勁尤高

一作
忘勞

楛矢方來貢
雕弓已載橐
英威揚

絕漠神算盡
臨洮

已上四句奉述
北虜款塞西戎畏威

赤縣陽和布
蒼生

雨露膏野平
惟有一

一作
秀

麥田闢久無
蒿祿秩榮三事功

勲

一作
勤

乏一毫寢謀慙
汲黯秉羽貴
孫教煥若遊玄圃

歡如享太牢
輕生何以報祇

一作
只

自比鴻毛

雨中自秘書省訪王三侍御知早入朝便入集

賢侍御任集賢校書及升柏臺又與秘閣相對
同院張學士亦余特厚故以詩贈之

共憐獨鶴青霞姿瀛洲故山歸已遲仁者焉能效鷲鷄
飛舞自合追長離梧桐迴齊鵠鵲觀煙雨屢拂蛟龍旗
鴻鴈衝颺去不盡寒聲晚下天泉池顧我蓬萊靜無事

玉版寶書藏衆瑞青編盡以

一作似

汲冢來科斗皆從魯

室至金門待詔何逍遙名儒早問張子僑王褒軼材晚
始入宮女已能傳洞簫應令柏臺長對戶別來相望獨

寥寥

奉和太原張尚書

一作相公

山亭書懷

巖石在朱戶
風泉當翠樓
始知峴亭賞
難與清暉留
餘景淡將夕
凝嵐輕欲收
東山有歸志
方接赤松遊

奉和韋侍御陪相公遊開義五言六韻

羊公追勝槩
茲地暫逍遙
風景同南峴
丹青見北朝
石渠清夏氣
高樹激鮮飈
念法珍禽集
開經醉象調
偶分甘露味
偏覺衆香饒
便食僧飯故云
為問毘城一作田
內餘薰蕕

日銷

贈圓明上人

圓公佛頂之晨

遠公說易長松下龍樹雙經海藏中今日導師聞佛慧

始知前路化成

一作空城

贈奉律上人

律公精於維摩經

知君學地厭多聞廣渡羣生出世氛飯色不應殊寶器
樹香皆遣入禪薰

戲贈慎微寺主道安上座三僧正

甘露灑空惟一味
梅檀移植自成薰
遙知暢獻分南北
應用調柔致六羣

長安秋夜

內宮

一作官

傳詔問戎機
載筆金鑾夜始歸
萬戶千門皆

寂寂月中清露點朝衣

清冷池懷古

余別有序刻石

區園

一作有

三百里常聞駟馬來
旌旗朝甬道
簫鼓燕平

臺迨昔賦文雅
從容遊上才
竹園秋水淨
風苑雪煙開

牛禍蒙將發羊孫謀始回

羊勝公
孫說

表絲徒伏劍長孺欲

成灰

韓安
國

興廢由所感湮淪斯可哀空留故池鴈刷羽

尚徘徊

述夢詩四十韻

有序

去年七月溽暑之後驪降其夕五鼓未盡涼風淒
然始覺枕簟微冷俄而假寐斯熟忽夢賦詩懷禁
掖舊遊凡四十餘韻初覺尚憶其半經時悉已遺
忘今屬歲杪無事羈懷多感因綴其所遺為述夢

詩以寄一二僚友

賦命誠非薄良時幸已遭君當堯舜日官接鳳皇曹目

睇煙霄闊心驚羽翼高

此六句夢中作

倚梧連鶴禁埽

一作埽

接龍韜

內署北連春宮西接羽林軍

我后憐詞客

先朝曾宣諭卿等是我門客

吾

僚並雋髦著書同陸賈待詔比王褒重價連懸

一作懸

英詞淬寶刀泉流初落澗

文賦稱言泉流於叻齒

露滴更濡毫赤

豹欣來獻彤弓喜暫橐

時西戎乞盟幽鎮二帥束身赴闕海內無事累月詩稱赤豹黃

羅蓋蠻豹之貢物

非煙含瑞氣馴雉潔霜毛靜室便幽獨虛樓

散鬱陶

學士各有一室西垣有小樓時宴語於此

花光晨豔豔松韻晚騷騷

畫壁看飛鶴仙

一作山

圖見巨鼈

內署垣壁皆畫松鶴先是西壁畫海中曲龍山

憲宗曾敬臨幸

倚

一作傍

簷陰藥樹落格

一作落

蔓蒲桃

此八

句悉是內署物色惟

荷靜蓬池鱠冰寒郢水醪

每學士初上賜

食皆是蓬萊池魚鱠夏至後頒賜冰及燒香酒

荔枝來

自遠盧橘賜仍

一作常

叨

先朝初臨御南方曾獻荔枝亦蒙頒賜自後以道遠罷獻也

麝氣隨蘭澤霜華入杏膏恩光惟覺重攜挈未為勞

此八

句以述恩賜每有賜與常携挈而歸

夕閱梨園騎宵聞禁仗葵

每梨園獵回或抵暮

夜院門常
見歸騎

扇回交彩翟，鵬起颺銀

一作金

條轡待表絲攬

書期蜀客操畫規，常塞塞退食

一作舍

尚怵怵

此八句述內庭所觀

龜顧垂金鈕，鸞飛

一作迴

曳錦袍

曾蒙賜錦袍，曳者蓋取詩人不曳不妻之義也

御溝楊柳弱天廡，驕驕豪

學士皆蒙借飛龍馬

屢換青春直，閒隨

上苑遨

普濟寺與芙蓉苑相連，常所遊眺芙蓉亦謂之南苑也

煙低行殿竹，風折

繞墻

一作垣

桃

此八句述休澣日遊戲

聚散俄成昔，悲愁益自熬，每

懷仙駕遠，更望茂陵號，地接三茅嶺，川迎伍子濤

代稱海濤

是伍子憤氣所作

花迷瓜步暗，石固蒜山牢

此兩句又是夢中所作

蘭野

凝香管梅洲動翠篙泉魚驚綵妓溪鳥避干旄感舊心

猶絕思歸首更搔無聊燃密炬誰復勸金舳

余自到此絕無夜宴

酒器中大者呼為勳賓僚顧形迹未曾以此相勸

嵐氣朝生棟城陰夜

一作入

濠望煙歸海嶠送鴈渡江皋宛馬嘶寒櫪吳鉤在錦甃

未能追狡兔空覺長黃

一作江

蒿水國逾千里風帆過萬

艘閩川終古恨惟見暮滔滔

招隱山觀玉藥樹戲書即事奉寄江西沈大夫

閣老

此樹吳人不識因予嘗玩乃得此名

玉藥天中樹金閨昔共窺落英閒舞雪密葉乍低惟

內署

沈大夫所居門前有此樹每花落空中回旋久之方集庭際大夫草詔之月皆遊予同玩

舊賞煙霄

遠前歡歲月移今來想顏色還似憶瓊枝

寄題惠林李侍郎舊館

棟宇非吾室煙山是我鄰百齡惟待盡一世樂長貧半
壁懸秋日空林滿夕塵祇應雙鶴弔松路更無人

寄茅山孫鍊師

何地最儵然華陽第八天松風清有露蘿月淨無煙乍

警瑤壇鶴時嘶玉樹蟬欲馳千里戀一作思惟有一作戀鳳

門泉

又二絕

石上谿蓀發紫茸
碧山幽藹水溶溶
菖花定是無人見
春日惟應羽客逢

獨尋蘭渚翫遲暉
閒倚松窗望翠微
遙想春山明月曙

一作晚玉壇清磬步虛歸

題奇石

石在浙西公署

蘊玉抱清輝
閒庭日瀟灑
塊然天地間
自是孤生者

送張中丞入臺從事

驛騎朝天去
江城曙闕深
夜珠先去握
芳桂乍辭陰
澤國三千里
羈孤萬感心
自嗟文廢久
此曲為盧諶

懷京國

海上東風犯雪來
臘前先折鏡湖梅
遙思禁苑青春夜
坐待宮人畫詔迴

追和太師顏

一本此下有魯字

公同

一作

清遠道士遊

虎丘寺

一作詩

茂苑有靈峰，嗟余未遊觀。藏山半

一作在

平陸，壤谷為高

岸，岡繞數仞墻。巖潛千丈幹，乃知造化意。回幹資竒玩，

鏐騰昔虎踞。劔沒嘗龍煥，潭黛入海底。崦岑聳霄半層，

巒未升日，哀狖寧知旦。綠篠夏凝陰，碧林秋不換。冥搜

既窈窕，回

一作迴

望何蕭散。川晴

一作曉

嵐氣收，江春雜英

亂。逸人綴清藻，前哲留篇翰。共扣哀玉音，皆舒文繡段。

難追彥，回賞徒起興。公歎一夕如，再升含毫星斗爛。

東郡懷古二首

太和四年六月一日題

王京兆

河水昔將決衝波溢川潯崢嶸金堤下噴薄風雷音投
馬災未弭為魚歎方深惟公執珪璧誓與身俱沉誠信
不虛發神明宜爾臨湍流自此回咫尺焉能侵逮我守
東郡悽然懷所歛雖非識君面自謂知君心意氣苟相
合神明無古今登城見遺廟日夕空悲吟

陽給事

宋氏遠家

一作江

左豺狼滿中州陽君守滑臺終古垂英

猷數仞城既毀萬夫心莫留跳身入飛鏃免胄臨霜矛
畢命在旗下僵尸橫道周義風激河汴壯氣淪山丘嗟
爾抱忠烈古來誰與儔就烹感漢使握節悲陽秋顏子
綴清藻鏗然如素璆徘徊望故壘尚想精魂遊

秋日登郡樓望贊皇山感而成詠

昔人懷井邑為有挂冠期

一本此字缺

顧我飄蓬者長隨泛

梗移越吟因病感潘鬢入秋悲北指邯鄲道應無歸去

時

雨後淨望河西連山愴然成詠

宿雨初收晚吹繁秋光極目自銷魂
煙山北下歸遼海
鴻雁南飛出薊門
只恨無功書史籍
豈悲臨老事戎軒
唯懷藥餌蠲衰病
為惜餘年報主恩

秋日美晴郡樓閒眺寄荆南張書記

高檻涼風起清川
旭景開秋聲向野去
爽氣自山來
霄外鴻初返
簷間燕已歸
不因煙雨夕
何處夢陽臺

故人寄茶

劍外九華英，絨題下玉京。
開時微月上，碾處亂泉聲。
半夜邀僧至，孤吟對竹烹。
碧流霞脚碎，香泛乳花輕。
六腑睡神去，數朝詩思清。
其餘不敢費，留伴讀一作書行。

奉送相公十八丈鎮揚州

一作和王播
遊故居感舊

千騎風生大旆舒，春江重到武侯廬。
共懸龜印銜新綬，同憶鱸庭訪舊居。
取履橋邊啼鳥換，釣璜溪畔落花一作

霞一作野
初一作花花一作野
今來却笑臨邛客，入蜀空馳使者車。

題劍門

奇峰百仞懸清眺，出嵐煙迴若戈。日高疑劍倚天參，
差霞壁聳合沓翠屏連。想是三刀夢森然在目前。

漢州月夕遊房太尉

一作房公

西湖

丞相鳴琴地，何年閉

一作點

玉徽

房公以好琴聞於四海

偶因明月

夕重敞故樓，扉桃柳谿空。在芙蓉客暫依

南史安陸侯與王仲寶長

史庾果之書稱泛淥水依芙蓉何其麗也

誰一作唯

憐濟川楫長與夜舟歸

重題

晚日臨寒渚，微風發擢謳。鳳池波自闊，一作魚水運難

留亭古思宏。棟川長憶夜，一作舟想公高世志祇似冶

一作城遊

房公舊竹亭，聞琴緬慕風。流神期如在，一作對因

重題此作

流水音長在，青霞意不傳。獨悲形解後，誰聽廣陵絃。

憶金門舊遊，奉寄江西沈大夫

東望滄溟路，幾重無因白。首更相逢已，悲泉下雙琪樹。

韋中令武元昌皆已淪沒

又惜天邊一卧龍

杜西川詩官南海

人事升沈繞

十載宦遊漂泊過千峰思君遠寄西山藥

大夫嘗鎮鍾陵兼好金丹

街之歲暮相期向赤松

早入中書行公主冊禮事畢登集賢閣成詠

明星入東陌燦燦光層宙皎月映高梧輕風發涼候金

門列葆吹鐘室傳清漏簡冊自中來貂黃忝宣授更登

天祿閣極眺終南岫遙羨高山翁門歌紫芝秀晨興念

始

一作始

辱夕惕思致寇傾奪非我心悽然感田實

題羅浮石

刻於石上

清景持芳菊涼天倚茂松名山何必去此地有羣峰

重過列子廟追感頃年自淮服與居守王僕射
同題名於廟壁僕射已為御史余尚布衣自後
俱列紫垣繼遊內署兩為夏官之代復聯左揆
之榮荷寵多同感涕何極因書四韻奉寄

白首過遺廟朱輪入故城已慚聯左揆猶喜抗前旌
履忘年舊彈冠久要情重看題壁處豈羨棄繻生

遥傷茅山縣孫尊師三首

蟬蛻遺虛白，蜺飛入上清。
同人悲劍解，舊友覺衣輕。
黃鵠遙將舉，斑麟儼未行。
惟應鮑靚室，中夜識琴聲。

金格期初至，飈輪去不停。
山摧武擔石，矢隕少微星。
弟子悲徐甲，門人泣蔡經。
空聞留玉鳥，猶在阜鄉亭。

空宇留丹竈，層霞被羽衣。
舊山聞鹿化，遺舄尚鳧飛。
數日竒香在，何年白鶴歸。
想君旋下淚，一作遊方歎里閭

扉

尊師是桃源黃先生傳法弟子常見尊師稱先

師靈迹今重賦此詩兼寄題黃先生舊館

後學方成市吾師又上賓

今茅山宮觀道士
並是先生弟子

洞天應不

夜源樹抵如春

此並述
桃源事

棋客留童子

瞿山童即先生弟
子桃源得仙人棋

子載在
傳記

山精避直神

先生初至茅山童子觸法坐有聲
先生疑山神所為書符召至之其

靈異如
此矣

無因握石髓及

一作
分

與養生人

僕射相公偶話於故集賢張學士廳寫得德裕

與僕射舊唱和詩其時和者五人惟僕射與德

裕皆列高位淒然懷舊輒獻此詩

顏延

賦感鄰人遂詩留夫子墻延年如有作應不用山王

年五君詠山濤王戎以
貴不得列於五君之數

惠泉

茲泉由太潔終不畜纖鱗到底清何益含虛勢自貧明

璣

一作珠

難秘彩美玉詎潛

一作載

珍未及黃陂量滔滔豈

有津

無題

御定全唐詩

松倚蒼崖老蘭臨碧洞

一作洞

哀不勞鄰舍遠吹起舊時

悲

題冠蓋里

在襄州南
大山下

偶來冠蓋里媿是舊三公自喜無兵術輕裘上闕宮

離平泉馬上作

一作離東
都平泉

十年紫殿掌洪鈞出入三朝一品身文帝寵深陪雉尾

武皇恩厚

一作重

宴龍津黑山永破和親虜烏嶺全阮跋

扈臣自是功高臨盡處禍來明滅不由人

謫嶺南道中作

嶺水爭分路轉迷
枕椰柳葉暗蠻溪
愁衝毒霧逢蛇草
畏落沙蟲避燕泥
五月畬田收火米
三更津吏報潮雞
不堪腸斷思鄉處
紅槿花中越鳥啼

到惡溪夜泊蘆島

甘露花香不再持
遠公應怪負前期
青蠅豈獨悲虞氏
黃犬應聞笑李斯
風雨瘴昏蠻日月
煙波魂斷惡溪時
嶺頭無限相思淚
泣向寒梅近北枝

登崖州城作

獨上高樓望帝京，鳥飛猶是半年程。
青山似欲留人住，

一作也恐人歸去百匝千遭遶郡城。

鴛鴦篇

君不見昔時同心人，化作鴛鴦鳥和鳴。
一夕不暫離交頸，千年尚為少二月。
草菲菲，山櫻花未稀，金塘風日好，
何處不相依。既逢解佩游女，更值凌波宓妃。
精光搖翠蓋，麗色映珠璣。雙影相伴，雙心莫違。
淹留碧沙上，蕩漾

洗紅衣春光分宛轉嬉遊分未反宿莫近天泉池飛莫
近長洲苑爾願歡愛不相忘須去人間羅網遠南有瀟
湘洲且為千里遊洞庭無苦寒沅江多碧流昔為薄命
妾無日不含愁今為水中鳥頡頏自相求洛陽女兒在
青閣二月羅衣輕更薄金泥文彩未足珍畫作鴛鴦始
堪著亦有少婦破瓜年春閨無伴獨嬋娟夜夜學織連
枝錦織作鴛鴦人共憐悠悠湘水濱清淺漾初蘋菖花
發豔無人識江柳逶迤空自春唯憐獨鶴依琴曲更念

孤鸞隱鏡塵願作鴛鴦被長覆有情人

南梁行

和二十
二兄

江南鬱鬱春草長悠悠漢水浮清光
雜英飛盡空和景
綠楊陰重官舍靜此時醉客縱橫書
公言可薦承明廬
青天詔下寵光至頒籍金閨徵石渠
重歸山路煙嵐隔
巫山未深晚花折澗底紅光奪目
一作
日燃搖風有毒愁
行客杜鵑啼咽花亦殷聲悲絕豔連
空山斜陽瞥映淺
深樹雲雨翻迷崖谷間山鷄錦質
矜毛羽透竹穿蘿命

儔侶喬木幽谷上下同雄雌不異飛棲處望秦峰迴過
商顏浪疊雲堆萬簇山行盡杳冥青嶂外九重鐘漏紫
雲間元和列侍明光殿諫草初焚市朝變北闕趨臣半
隙塵南梁笑客皆飛霞追思感歎却昏迷霜鬢愁吟到
曉鷄故園歲深開斷簡秋堂月曉掩遺桂嗚嗚曉角霞
輝粲撫劔當楹一長歎多狗無由學聖賢空持感激終
昏旦

近於伊川卜山居將命者畫圖而至欣然有感

聊賦此詩兼寄上浙東元相公大夫使求青田

胎化鶴

乙巳
歲作

弱歲弄詞翰遂叨明主恩懷章過越邸建旆守吳門西

圯陰難駐東臯意尚存慙逾六百石愧負五千言寄世

知

一作
如

嬰繳辭榮類觸藩欲追綿上隱況近子平村邑

有桐鄉愛山餘黍谷暄既

一作
雖

非逃相地乃是故侯園

野竹多微逕巖泉豈一源映池方

一作
芳

樹密傍澗古藤

繁印杖堪扶老黃牛已服轅只應將唳鶴幽谷共翩翻

憶平泉山居贈沈吏部一首

中書作

昔聞羊叔子茅屋在東渠豈不念歸路徘徊畏簡書乃
知軒冕客自與田園疎歿世有遺恨精誠何所如嗟予
寡時用夙志在林間雖抱山水癖敢希仁智居清泉繞
舍下修竹蔭庭除幽徑松蓋密小池蓮葉初從來有好
鳥近復躍鱗魚少室映川陸鳴皋對蓬廬張何舊寮家

予與吏部乃金門寮故也

相勉在懸輿常恐似伯玉瞻前慙魏舒

夏晚有懷平泉林居

宜春作

孟夏守畏途捨舟在徂暑愀然何所念念我龍門塢密
竹無蹊徑高松有四五飛泉鳴樹間颯颯如度雨菌桂
秀層嶺芳蓀媚幽渚稚子候我歸衡門獨延佇誰言聖
與哲曾是不懷土公旦既思周宣尼亦念魯矧余竄炎
裔日夕誰晤語春闕悲子牟班荆感椒舉悽悽視環玦
惻惻步庭廡豈待莊鳥吟方知倦羈旅

早秋龍興寺江亭閒眺憶龍門山居寄崔張舊

從事

宜春
作

江亭感秋至蘭徑悲露泣秔稻秀晚川杉松鬱一作晴

嘽嗟予有林壑茲夕念原一作繁衍綠篠一作竹連嶺多青

莎近溪淺淵明菊猶在仲蔚蒿莫翦喬木槩凌苔一作霄

陰崖積幽蘚遙思伊川水北渡龍門峴蒼翠雙闕間逶

迤清灘一作溪轉故人在鄉國歲晏路悠緬惆悵此生涯

無由共登踐

比聞龍門敬善寺有紅桂樹獨秀伊川嘗於江

南諸山訪之莫致陳侍御知予所好因訪刺溪

樵客偶得數株移植郊園衆芳色沮乃知敬善

所有是蜀道茵

一作茵

草徒得嘉名因賦是詩兼

贈陳侍御

金陵作

昔聞紅桂枝

一作樹

獨秀龍門側越叟遺數株周人未嘗

識平生愛此樹攀翫無由得君子知我心因之為羽翼

豈煩嘉客譽且就清陰息來自天姥岑長疑

一作疑翠嵐

色芬芳世所絕偃蹇枝漸直瓊葉潤不凋珠英粲如織

猶疑翡翠宿想待鸚鵡

一作鸞

食寧止暫淹留終當更封

植

懷山居邀松陽子同作

我有愛山心如飢復如渴出谷一年餘常疑十年別春
思巖花爛夏憶寒泉冽秋憶泛蘭卮冬思翫松雪晨思
小山桂暝憶深潭月醉憶剖紅梨飯思食紫蕨坐思藤
蘿密步憶莓苔滑晝夜百刻中愁腸幾回絕每念羊叔
子言之豈常輟人生不如意十乃居七八我未及懸輿
今猶佩朝紱焉能逐麋鹿便得遊林樾范恣滄波舟張

懷赤松列惟應詎身恤豈敢忘臣節器滿自當歌物盈
終有缺從茲返樵徑庶可希前哲

思歸赤松村呈松陽子

昔人思避世惟恐不深幽禽慶潛名岳鴟夷漾釣舟顧
余知止足所樂在歸休不似尋山者忘家恣遠遊

近臘對雪有懷林居

蓬門常晝掩竹徑寂無人鳥起飄松霰麇行動谷榛應
知一作禽魚侶合一作與薜蘿親遙憶平準望溪煙已

惟應

得

得

已

發春

思山居一十首

清明

一作
寒食

後憶山中

遙思寒食後野老林下醉月照一山明
風吹百花氣飛泉與萬籟鬢疑簫吹不待曙
華分已應喧鳥至

題寄商山石

綺皓巖中石嘗經伴

一作
坐

隱淪紫芝呈

一作
餘

幾曲紅蘚

閱千春聊用支琴尾寧惟倚病身
自知來處所何暇問

嚴遵

憶種芘時

尚平方畢娶疎廣念歸期
澗底松成蓋簷前桂長枝
徑閒芳草合山靜落花遲
雖有芘園在無因及種時

春日獨坐思歸

壯齡心已盡孤賞意猶存
豈望圖麟閣惟思卧鹿門
無謀堪適野何力可拘原
只有容一作客身去幽山自灌園

思登家山林嶺

自知無世用只是愛山遊
舊有嵇康顙今慙趙武偷登
巒未覺疾泛水便忘憂
最惜殘筋力捫蘿遍一丘

思鄉園老人

常羨華門翁所思惟歲稔
遙知松月曙尚在山窗寢
蘭氣入幽簾禽言傍孤枕
晨興步巖徑更酌寒泉飲

寄龍門僧

龍門有開士愛我春潭碧
清景出東山閒來翫松石
應憐林壑主遠作滄溟客
為我謝此僧終當理歸策

憶藥苗

溪上藥苗齊，丰茸正堪掇。皆能扶我壽，豈止堅肌骨。味掩高山芝，英逾首陽蕨。豈如甘谷士，只得香泉啜。

南陽甘谷

有菊水是胡廣飲者

憶村中老人春酒

有劉揚二叟善釀

一叟茅茨下，清晨飲濁醪。雨殘紅芍藥，風落紫櫻桃。菓燕銜泥疾，簷蟲挂網高。閒思春谷事，轉覺宦途勞。

憶葛勝

一作藤

木禪床

憶我齋中榻寒宵幾獨眠管寧穿亦坐徐孺去常懸蟲
網垂應遍苔痕染更鮮何人及身在歸對老僧禪

初夏有懷山居

山中有所憶夏景始清幽野竹陰無日巖泉冷似秋翠
岑當累榭皓月入輕舟只有思歸夕空簾且夢遊

張公超谷中石

鼓篋依綠槐橫經起秋霧有時連岳客尚辨絃歌處自
予去幽谷誰人襲芳杜空留古苔石對我巖中樹

初歸平泉過龍門南嶺遙望山居即事

初歸故鄉陌極望且徐輪
近野樵蒸至平泉煙火新
農夫饋鷄黍漁子薦霜鱗
惆悵懷揚僕慚為闕外人

伊川晚眺

桑葉初黃梨葉紅
伊川落日盡無風
漢儲何假終南客
角里先生在谷中

潭上喜見新月

簪組十年夢園廬
今夕情誰憐
故鄉月復映碧潭
生皓

彩松上見寒光波際輕還將孤賞意暫寄玉琴聲

郊外即事寄侍郎大尹

高秋慙非隱閒林喜退居老農爭席坐稚子帶經鋤竹
徑難迴騎仙舟但跂予豈知陶靖節祇自愛吾廬

山居遇雪喜道者相訪

幽居近谷西喬木與山齊野竹連池合巖松映雪低喜
君來白社值我在青谿應笑於陵子遺榮自灌畦

雪霽晨起

雪覆寒溪竹風卷野田蓬四望無行跡誰憐孤老翁

洛中士君子多以平泉見呼愧獲方外之名因
以此詩為報奉寄劉賓客

非高柳下逸自愛竹林閒才異居東里愚因在北山徑
荒寒未掃門設畫長闕不及鷓鴣子悠悠煙水間

早春至言禪公法堂憶平泉別業

金陵作

昔我伊原上孤遊竹樹間人依紅桂靜鳥傍碧潭閒松
蓋低春雪藤輪倚暮山永懷桑梓邑衰老若為還

峽山亭月夜獨宿對櫻桃花有懷伊川別墅

金陵

作

皎月照芳樹鮮葩含素輝
愁人惜春夜達曙想巖扉
風靜陰滿砌露濃香入衣
恨無金谷妓為我奏思歸

春暮思平泉雜詠二十首

自此並淮南作

望伊川

遠村寒食後細雨度川來
芳草連谿合梨花映墅開
櫺籬懸落照松徑長新苔
向夕亭臯望遊禽幾處回

潭上紫藤

故鄉春欲盡一歲芳難再巖樹已青蔥
吾廬日堪愛幽溪人未去芳草行應礙
遙憶紫藤垂繁英照潭黛

書樓晴望

幽居人世外久厭市朝喧
蒼翠連雙闕微茫認九原

東望

盡見萬安山
南名臣丘壠

殘紅

一作虹

映翠樹斜日照轅轅薄暮柴扉

掩誰知仲蔚園

西嶺望鳴皋山

高秋對涼野四望何蕭瑟
遠見鳴皋山青峰原上出
晨興採薇蕨向暮歸蓬華
詎假數揮金餐和養餘日

瀑泉亭

向老多悲恨悽然念一丘
巖泉終古在風月幾年遊
閨繞佳樹菱潭有釣舟不
如羊叔子名與峴山留

紅桂樹

此樹白花紅心因以為號

欲求塵外物此樹是瑤林
後素合餘絢如丹見本心
妍姿無點辱芳意託幽深
願以鮮葩色凌霜照碧潯

金松

出天台山
葉帶金色

台嶺生奇樹佳名世未知
纖纖疑大菊落落是松枝
照日含金晰籠煙淡翠滋
勿言人去晚猶有歲寒期

月桂

出蔣山
淺黃色

何年霜夜月桂子落寒山
翠幹生巖下金英在世間
幽崖空自老清漢未知還
惟有涼秋夜嫦娥來暫攀

山桂

此花紫色
英藻繁縟

吾愛山中樹繁英滿目鮮
臨風飄碎錦映日亂非煙
影

入春潭底香凝月榭前
豈知幽獨客
賴此當朱絃

木別樹經霜暫紅惟此柏枝葉盡
丹四時一色一本題作朱柏

聞有三株樹
惟應秘閣風
珊瑚不生葉
朱草又無叢
未若凌雲柏
常能終歲紅
晨霞與落日
相照在巖中

芳蓀

生茅山東溪陶隱居謂之
溪蓀花紫色生淺水中

楚客重蘭蓀
遺芳今未歇
葉抽清淺水
花照暄妍節
紫

豔映渠鮮輕
香含露潔

一作結
一作發

離居若有贈
暫與幽人

折

流盃亭

激水自山椒，析波分淺瀨。回環疑古篆，詰曲如縈帶。寧
翹羽觴遲，惟歡一作貪親友會。欲知中聖處，皓月臨松蓋。

東谿

近蓄東谿水，悠悠起淥波。綵鴛留不去，芳草日應多。夾
岸生奇篠，緣巖覆女蘿。蘭橈思無限，為感濯纓歌。

鴻瀾

清江雙鴻瀾，前年海上雛。今來戀洲嶼，思若在江湖。欲

起搖荷蓋閒飛濺水珠不能常泛泛惟作逐波鳧

西園

西園最多趣永日自忘歸石瀨流清淺風岑澹翠微曉
翻紅藥豔晴裊碧潭輝獨望娟娟月宵分半掩扉

海石楠

昔見歷陽山鷄籠已孤秀今看海嶠樹翠蓋何幽茂霰
雪詎能侵此樹枝葉密
霜雪不侵煙嵐自相揉攀條獨臨憩況值

清陰畫

雙碧潭

清剌與巖湍潺湲皆可憶適來玩山水無此秋潭色莫
辨幽蘭叢難分翠禽翼遲遲洲渚步臨眺忘餐食

竹徑

野竹自成徑繞溪三里餘檀欒被層阜蕭瑟蔭清渠日
落見林靜風行知谷虛田家故人少誰肯共焚魚

花藥欄

花藥四時相
續常可留翫

蕙草春已碧蘭花秋更紅四時發英豔三徑滿芳叢秀

色濯清露鮮輝搖惠風王孫未知返幽賞竟誰同

自叙

非尚子遍
遊五嶽

五嶽徑雖深遍遊心已蕩苟能知止足所遇皆清曠七
十難可期一丘乃微尚遙懷少室山常恐非吾望

首夏清景想望山居

一本此下有
贈幕僚三字

嘉樹陰初合山中賞更新禽言未知夏蘭徑尚餘春散
滿蘿垂帶扶疎桂長輪丹青寫不盡宵夢歎非真累榭
空留月虛舟若待人何時倚蘭棹相與掇汀蘋

思平泉樹石雜詠一十首

釣臺

我有嚴湍思懷人訪故臺客星依釣隱仙石逐槎回倒
影含清沚凝陰長碧苔飛泉信可挹幽客未歸來

似鹿石

林中有奇石髣髴獸潛行乍似依巖桂還疑食野草
長綠鮮映斑細紫苔生不是見羈者何勞如頓纓

海上石笋

常愛仙都山竒峰千仞懸迢迢一何迴不與衆山連忽
逢海嶠石稍慰平生憶何以慰一作似我心亭亭孤且直

疊石

此石韓給
事所遺

潺湲桂水流漱石多竒狀鱗次冠煙霞蟬聯疊波浪今
來碧梧下迴出秋潭上歲晚苔蘚滋懷賢益惆悵

重臺芙蓉

芙蓉含露時秀色波中溢玉女襲朱裳重重映皓質晨
霞耀丹景一作紫片片明秋日蘭澤多衆芳妍姿不相匹

白鷺鷥

余心憐白鷺潭上日相依拂石疑星落凌風似雪飛碧
沙常獨立清景自忘歸所樂惟煙水徘徊戀釣磯

海魚骨

昔日任公子期年釣此魚無由見成岳聊喜識專車皎
皎連霜月高高映碧渠陶潛雖好事觀海只披圖

泛池舟

桂舟蘭作柁芬芳皆絕世只可弄潺湲焉能濟大川樹

懸涼夜月風散碧潭煙未得同魚子菱歌共扣舷

舴艋舟

無輕舴艋舟始自鷓鴣子雙闕挂朝衣五湖極煙水時
遊杏壇下乍入湘川裏永日歌濯纓超然謝塵滓

二猿

釣瀨水漣漪富春山合沓松上夜猿鳴谷中清響合銜
網忽見羈故山從此辭無由碧潭飲爭接綠蘿枝

思在山居日偶成此詠邀松陽子同作

閒思昔歲事忽忽念伊川乘月

一作興

步秋坂滿山聞石

泉回塘碧潭映高樹綠蘿懸露下叫田鶴風來嘶晚蟬
懷茲長在夢歸去且無緣幽谷人未至蘭苔應更鮮

重憶山居六首

平泉源

出谷繞浮芥中園已濫觴逶迤過竹塢浩淼走蘭塘夜
靜聞魚躍風微見鴈翔從茲東向海可泛濟川航

秦山石

兗州從事所寄

雞鳴日觀望遠與扶桑對一作滄海似鎔金衆山如點

黛遙知碧峰首獨立煙嵐內此石依五松蒼蒼幾千載

巫山石

十二峰前月三聲猿夜愁此中多怪石日夕漱寒流必

是歸星渚先求歷斗牛揚州是斗牛分還疑煙雨霽髣髴是嵩

丘

羅浮山番禺連

帥所遺

龍伯釣鼇時蓬萊一峰坼斐淵廣州記羅浮山飛來碧

是蓬萊連山浮來

海畔遂與三山隔其下多長溪

茅君內傳山下有七十二長溪

潺湲淙

亂石知君分

一作介

如此贈逾荆山壁

漏潭石

魯客見遺

常疑六合外未信漆園書及此聞溪漏方欣驗尾閭大哉天地氣呼吸有盈虛美石勞相贈瓊瑰自不如

釣石

於谿人處求得

巖光隱富春山色谿又碧所釣不在魚揮綸以自適余懷慕君子且欲坐潭石持此返伊川悠然慰衰疾

懷伊川郊居

衰疾常懷土郊園欲掩扉雖知明目

一作日

地不及有身

歸鞏樹秋陰遍伊原霽色微此生看白首良願已應違

晨起見雪憶山居

忽憶巖中雪誰人拂薜蘿竹梢低未舉松蓋偃應多山溜隨水落林麋帶霰過不勞聞鶴語方奏苦寒歌

憶平泉雜詠

憶初暖

今日初春暖山中事若何雪開喧鳥至漸散躍魚多幽
翠生松栝一作柏輕煙起薜蘿柴扉常晝掩惟有野人過

憶辛夷

余赴金陵日
辛夷欲開

昔年將出谷幾日對辛夷倚樹憐芳意攀條惜歲滋清
陰須暫憇秀色正堪思只待揮金日慙慙泛羽卮

憶寒梅

寒塘數樹梅常近臘前開雪映綠巖竹香侵泛水苔遙
思清景暮還有野禽來誰是攀枝客茲辰醉始迴

憶藥欄

野人清旦起掃雪見蘭芽始吠春泉入惟愁暮景斜未
抽萱草葉纔發款冬花誰念江潭老中宵旅夢賒

憶茗芽

谷中春日暖漸憶掇茶英欲及清明火能銷醉客醒松
花飄鼎泛蘭氣入甌輕飲罷閒無事捫蘿溪上行

憶野花

余未嘗春
到故園

雖遊洛陽道未識故園花曉憶東谿雪晴思冠嶺霞谷

深蘭色秀村迴柳陰斜
悵悵望龍門晚誰知小隱家

憶春雨

春鳩鳴野樹細雨入池塘
潭上花微落溪邊草更長
梳風白鷺起拂水綠鴛翔
最美歸飛燕年年在故鄉

憶晚眺

伊川新雨霽原上見春山
緱嶺晴虹斷龍門宿鳥還
牛羊平野外桑柘夕煙間
不及鄉園叟悠悠畫日間

憶新藤

遙聞碧潭上春晚紫藤開水似晨霞照林疑綵鳳來清
香凝島嶼繁豔映莓苔金谷如相並應將錦帳回

憶春耕

郊外杏花坼林間布穀鳴原田春雨後谿水夕流平野
老荷叢至和風吹草輕無因共沮溺相與事巖耕

余所居平泉村舍近蒙韋常侍大尹特改嘉名
因寄詩以謝

未謝留侯疾常懷仲蔚園閒謠紫芝曲歸夢赤松村忽

改蓬蒿色俄吹黍谷瘴多慙孔北海傳教及衡門

山信至說平泉別墅草木滋長地轉幽深悵然

思歸復此作

忽聞樵客語暫慰野人心幽徑芳蘭密閒庭秀木深
麕來澗底鳧鵲遍川溔誰念滄溟上歸歎起歎音

臨海太守惠予赤城石報以是詩

聞君採竒石剪斷赤城霞潭上倒虹影波中搖日華
仙巖接絳氣谿路雜桃花若值客星去便應隨海槎

上已憶江南禊事

黃河西繞郡城流上已應無祓禊遊為憶淶江春水色
更無宵夢向吳州

北固懷古

自有此山川於今幾太守近世二千石畢公宣化厚衆
相量納川平陽氣衝斗三賢若時雨所至躋仁壽

畢構政事

為開元第一陸丞相象先
平陽齊澣三賢皆為此郡

汨羅

遠謫南荒一病身
停舟暫弔汨羅人
都緣新尚圖專國
豈是懷王厭直臣
萬里碧潭秋景靜
四時愁色野花新
不勞漁父重相問
自有招魂拭淚巾

嶺外守歲

一作李福業詩

冬逐更籌盡
春隨斗柄回
寒暄一夜隔
客鬢兩年催
訪韋楚老不遇

昔日徵黃綺
余慚在鳳池
今來招隱士
恨不見瓊枝

題柳郎中故居

下馬荒堦日欲曛
潺潺石溜靜中聞
鳥啼花發人聲絕
寂寞山窗掩白雲

盤陀嶺驛樓

嵩少心期杳莫攀
好山聊復一開顏
明朝便是南荒路
更上層樓望故關

句

檢經求綠字憑酒借紅顏
君不見秋山寂歷風颭歇
半夜青崖吐明月寒光乍出松篠間
萬籟蕭蕭從此發

忽聞歌管吟朔風精魂想在幽巖中

霜夜聽小童
薛陽陶吹笛

銀

花懸院榜神撼引鈴絲

題學士院

歲筵輕風裊若銜若垂

何可擬

以上並事
文類聚

自從一夢高唐後可是無人勝楚

王

賦巫山神女
見雲漢友議

牛羊具特俎

武昌詩見
東觀餘論

心悟覺身

勞雲中棄寶刀久閒生脾肉多壽長眉毫

有懷甘露寺
自省上人京

口志書空蹀足睡路險側身行

德裕嘗吟此句云是先
達詩附記見桂苑叢談

誰家幼女敲筋歌何處丁妻點燈織

魚蝦集橘市

以下並海
錄碎事

休咎占人甲挨持見天丁

洛下推年少

山東許地高 世上文章士誰為第一人
老生誇隱拙時輩毀尖新
湍濤寒泉深百尺 奇觚率爾操
諷諫欣然納

欽定四庫全書

欽定全唐詩
卷四百七十五

三十五

御定全唐詩卷四百七十五

欽定四庫全書

御定全唐詩卷四百七十六

熊孺登

熊孺登鍾陵人登進士第元和中終藩鎮從事詩一卷

至日荷李常侍過郊居

賤子守柴荆誰人記姓名風雲千騎降草木一陽生禮
異江河動歡殊里巷驚稱觴容侍坐看竹許同行過覺
滄溟淺恩疑太嶽輕盡搜天地物無論此時情

日暮天無雲

杳杳復蒼然，無雲日暮天。
象分青氣外，景盡赤霄前。
漸吐星河色，遙生水木煙。
從容一作龍難附麗，顧步欲澄鮮。
但見收三素，何能測上玄。
應非暫呈瑞，不許出山川。

新成小亭月夜

已被月知處，斬新風到來。
無人伴幽境，多取木蘭栽。

和竇中丞歲酒喜見小男兩歲

更添十歲應為相，歲酒從今把未休。
聞得一毛添五色。

眼看相逐鳳池頭

寒食

東風發火雨新休
昇盡春泥掃雪溝
走馬犢車當御路
漢陽公主謝鷄毬

送僧遊山

雲身自在山山去
何處靈山不是歸
日暮寒林投古寺
雪花飛滿水田衣

雪中荅僧書

八行銀字非常草六出天花盡是梅無所與陳童子別
雪中辛苦遠山來

題逍遙樓傷故韋大夫

利及生人無更為落花流水舊城池逍遙樓上雕龍字
便是羊公墮淚碑

戲贈費冠卿

但恐紅塵虛白首寧論蹇逸分先後莫占鶯花笑寂寥
長安春色年年有

與左興宗湓城別

江逢九派人將別
援到三聲月為秋
不知相見更何日
此夜少年堪白頭

八月十五夜卧疾

一年祇有今宵月
盡上江樓獨病眠
寂寞竹窗閒不閉
夜深斜影到牀前

正月十五日

漢家遺事今宵見
楚郭明燈幾處張
深夜行歌聲絕後

紫姑神下月蒼蒼

曲池陪宴即事上賓中丞

水自山阿繞坐來珊瑚臺上木綿開欲知舉目無情罰
一片花流酒一杯

董監廟

仁傑淫祠廢欲無枯楓老櫟兩三株神烏慣得商人食
飛趨征帆過蠡湖

贈侯山人

一見清容愜素聞有人傳是紫陽君
來時玉女裁春服

翦破湘山幾片雲

湘山在泉
州郡治後

送馬判官赴安南

故人交趾去從軍
應笑狂生揮陣雲
省得蔡州今日事
舊曾都護帳前聞

送準上人歸石經院

栴檀刻像今猶少
白石鐫經古未曾
歸去更尋翻譯寺
前山應遇鴈門僧

寒食野望

拜掃無過骨肉親
一年唯此兩三辰
冢頭莫種有花樹
春色不關泉下人

祇役遇風謝湘中春色

水生風熟布帆新
只一作唯見公程不見春
應被百花撩亂笑
比來天地一閒人

湘江夜泛

江流如箭月如弓
行盡三湘數夜中
無那子規知向蜀

一聲聲似怨春

一作風
東

蜀江水

來自
蕃界

日夜朝宗來萬里共憐江水引蕃心
若論巴峽愁人處
援比灘聲是好音

寄安南馬中丞

龍韜能致虎符分萬里霜臺壓瘴雲
蕃客不須愁海路
波神今伏馬將軍

甘子堂陪宴上韋大夫

武陵樓上春長早
甘子堂前花落遲
楚樂怪來聲競起
新歌盡是大夫詞

青溪村居二首

家占溪南千箇竹
地臨湖上一羣山
漁船多在馬長放
出處自由閒不閒

深樹黃驪曉一聲
林西江上月猶明
野人早起無他事
貪繞沙泉看笋生

奉和興元鄭相公早春送楊侍郎

征鞍欲上醉還留
南浦春生百草頭
丞相新裁別離曲
聲聲飛出舊梁州

送舍弟孺復往廬山

能騎竹馬辨西東
未省煙花暫不同
第一早歸春欲盡
廬山好看過湖風

野別留少微上人

若為相見還分散
翻覺浮雲亦不閒
何處留師暫且住
家貧唯有坐中山

經古墓

碑折松枯山火燒
夜臺從閉不曾朝
那將逝者比流水
流水東流逢上潮

贈靈徹上人

詩句能生世界春
僧家更有姓湯人
況聞暗憶前朝事
知是修行第幾身

春郊醉中贈章八元

三月踏青能幾日
百回添酒莫辭頻
看君倒卧楊花裏

始覺春光為醉人



御定全唐詩卷四百七十六